



109 88

18-01-2017

Broj: 11/04-05-26035.1/16  
Sarajevo, 27.12.2016. godine

**SKUPŠTINA KANTONA SARAJEVO**  
n/r predsjedavajućeg Skupštine Kantona Sarajevo

**PREDMET: Odgovor na zastupničko pitanje, dostavlja se**

**ZASTUPNIČKO PITANJE**

Zastupnik Aljović Hamed na 19. Radnoj sjednici Skupštine Kantona Sarajevo, održanoj 7.09.2016.godine, u okviru tačke Dnevnog reda, „Poslanička pitanja, inicijative i odgovori,“ u skladu sa Poslovníkom Skupštine Kantona Sarajevo, postavio je zastupničko pitanje:

„ Molim Ministarstvo za obrazovanje, nauku i mlade Kantona Sarajevo da mi odgovori:

- Iz kog razloga Ministarstvo imenuje v.d članove i predsjednike školskih odbora i pored činjenice da je u januaru 2016. Godine objavilo Javni konkurs za izbor i imenovanje na upražnjene pozicije predsjednika i članova u školskim odborima osnovnih škola kao javnih ustanova na području Kantona Sarajevo?*
- Da li su u sukobu interesa članovi školskih odbora predstavnici Ministarstva ako im djeca pohađaju školu u kojoj su članovi i predsjednici školski odbora, i ako jeste koje aktivnosti će po tom pitanju poduzeti Ministarstvo i Ministar Elvir Kazazović?*
- Koje aktivnosti je Ministarstvo poduzelo zbog nepoštivanja Pravilnika o izboru, imenovanju i načinu rada školskih i nadzornih odbora osnovnih škola Kantona Sarajevo?*

*Obrazloženje: U nekim osnovnim školama u Kantonu Sarajevo, ministarstvo je imenovalo v.d članove i predsjednike školskih odbora i pored činjenice da je u januaru 2016. godine Ministarstvo objavilo Javni konkurs za popunu upražnjenih pozicija predsjednika i članova u školskim odborima osnovnih škola kao javnih ustanova na području Kantona Sarajevo (npr. JU OŠ „Hrasno“) a također u nekim školama djeca članova i predsjednika školskih odbora koji su predstavnici Ministarstva pohađaju tu školu (JU OŠ „Skender Kulenović“) iako to **predstavlja diskriminaciju** u odnosu na ostale članove školskih odbora (npr. Iz reda uposlenika škole).*

**ODGOVOR**

a) Po okončanju konkursnih procedura za imenovanja školskih odbora osnovnih škola u Kantonu Sarajevo, kao javnih ustanova, desi se da za određen broj škola ne budu školski odbori imenovani u kompletnom sastavu, pa ih je neophodno kompletirati privremenim članovima u skladu sa Zakonom o ministarskim, vladinim i drugim imenovanjima Federacije Bosne i Hercegovine – predstavnici Ministarstva i općine („Službene novine Federacije BiH“, broj: 23/03, 34/03 i 65/13) i Pravilnikom o izboru, imenovanju i načinu rada školskih i nadzornih odbora osnovnih škola Kantona Sarajevo - predstavnici roditelja i zaposlenika („Službene novine Kantona Sarajevo“, broj 24/12).

Dešava se da predsjednik i članovi školskih odbora iz određenih razloga podnose ostavke, dolaze u sukob interesa tako što budu imenovani za direktore ili pomoćnike, izgube mogućnost



zastupanja strukture ispred koje su izabrani jer odu i penziju ili promijene radnu sredinu, a kod roditelja djeca završe obrazovanje u školi. i sl. Ako u toku mandata član školskog odbora iz bilo kojeg razloga bude razriješen članstva ili mu prestane mandat zastupanja određene strukture, školski odbor odmah, a najkasnije u roku od 30 dana pokreće proceduru popune odnosno privremene zamjene do konačnog imenovanja u skladu sa zakonom i Pravilnikom.

Kandidati koji se nominuju za predsjednika i članove školskih odbora ispunjavaju uvjete propisane Odlukom o standardima i kriterijima koje utvrđuje Vlada na prijedlog Ministarstva. Zbog navedenog se dešava da u nekim školama ne budu popunjeni školski odbori iz nekih struktura iako je bilo prijava po javnom pozivu. Isto tako dešava se da tokom trajanja mandata dolazi do promjena u sastavu školskih odbora zbog zamjena. Zamjene se provode u konkursnim procedurama, a ako se ne popune, onda se popunjavaju privremenim članovima u skladu sa navedenim propisima.

Javni konkurs za izbor članova školskog odbora se raspisuje, pored redovnog po isteku mandata, po potrebi, a nekad i dva puta godišnje.


Svi navedeni razlozi utiču na potrebu za imenovanjem v.d. članova i predsjednika školskih odbora i pored činjenice da su i u 2015. i 2016. godini objavljivani Javni konkursi za izbor i imenovanje na upražnjene pozicije predsjednika i članova u školskim odborima osnovnih škola kao javnih ustanova na području Kantona Sarajevo.

b) Za predsjednika školskog odbora, predstavnika Ministarstva ne može se nominovati/imenovati osoba koja je roditelj ili staratelj učenika korisnika usluga škole u čiji se školski ili nadzorni odbor kandiduje (Odluka o standardima i kriterijima za nominovanje/imenovanje na pozicije predsjednika i članova školskih i nadzornih odbora osnovnih škola kao javnih ustanova, čija konačna imenovanja vrši vlada Kantona Sarajevo (Službene novine Kantona Sarajevo" broj: 16/13).

Ako u toku trajanja mandata školskog odbora nastupi situacija da predsjednik školskog odbora, predstavnik Ministarstva dođe u sukob interesa zbog toga što je roditelj ili staratelj upisanog učenika u toj školi, školski odbor odmah, a najkasnije u roku od 30 dana pokreće proceduru zamjene predsjednika školskog odbora na jedan od propisanih načina.


c) Nakon saznanja da je u nekoj ustanovi za koju je Ministarstvo za obrazovanje, nauku i mlade nadležno, eventualno, došlo do nepoštivanja Pravilnika o izboru, imenovanju i načinu rada školskih i nadzornih odbora osnovnih škola Kantona Sarajevo, Ministarstvo poduzima aktivnosti tako što od školskog odbora zatraži da se očituje o navodnim nepravilnostima i u pisanom obliku izvijesti Ministarstvo. U takvim okolnostima se traži i da Inspektorat rada, zaštite na radu, socijalne zaštite i prosvjetne inspekcije utvrdi činjenično stanje, te se na osnovu nalaza službe, eventualno, pokreće procedura u skladu sa propisima.

S poštovanjem,

  
**MINISTAR**  
*Elvir Kazazović*  
**Prof. dr. Elvir Kazazović**

Dostavljeno:

- naslovu,
- Ministarstvu
- a/a



web: <http://www.monks.ba>

e-mail: [monks@ks.gov.ba](mailto:monks@ks.gov.ba)

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1

